

ХОТИРАНИ МУСТАҲКАМЛАШНИНГ
70 усули



ФЕНО-
МЕНАЛ
ХОТИРА



КИРИШ

Хотираси ўткир, мияси қучли, ҳамма нарсани эслаб қолади-я, каби гапларни тез-тез эшитиш мумкин. Бу одамлар хотиранинг кундалик ҳаёт ва касбий фаолият учун катта аҳамиятга эга эканлигини англаб етганларидан далолатdir. Барча касбий фаолиятларда хотира жуда қимматли воситадир. Яъни ўртача дарражадан баланд бўлган хотирага эга кишилар бошқаларга нисбатан афзаликларга эгадирлар. Фавқулодда яхши хотирага эга кишилар билан бир қаторда, ҳақиқатан ҳам хотирави ниҳоятда ёмон одамлар кам бўлса-да, учраб туради. Зеро, хотира ҳаммада бор. Фақат уни қандай ишлатишни билиш керак, холос.

Дарҳақиқат, ҳаммамиз хотирага эгамиз. Агар айримлар ўз ихтиёрлари билан хотирави ёмонлигини тан олган бўлсалар, бу уларнинг хотирадан фойдалана олмасликларини англатади. Биз анча миқдордаги ғоялар, далиллар, маълумотларни эслаб қоламиз. Бусиз, ҳатто, яшаш мумкин бўлмай қоларди. Унда нима учун биз айрим одамларни эслаб қоламизу, бошқаларининг номлари ёдимизда қолмайди. Баъзи учрашувларни осонгина эслаб қоламизу, бошқаларини ёзиб олишга мажбур-

миз. Бир хил топшириқларни бажарамизу, бошқалари ҳақида мутлақо унугиб қўямыз. Айрим маълумотларни ёдлаб оламизу, бошқаларини эса тезда унугиб юборамиз. Бу жумбоқнинг жавоби жуда оддий. Нимадир ёдимиизда муҳрланиб қолса, биз эслаб қолишнинг самарали усувларини онгли ёки онгсиз равишда қўллаган бўламиз. Агарда хотирамизда ниманидир сақлаб қололмаган бўлсак, демак, эслаб қолиш жараёни нотўғри ўтган бўлади.

Ақлий машғулот ўтказиш фақат қарияларгагина эмас, балки ёшлар учун ҳам зарур. «Ётган тош остидан сув оқмайди» ибораси хотирага ҳам тегишли. Уни муентазам равишда мустаҳкамлаб бориш ижодий салоҳият, умр фаолиятига ижобий таъсир қиласди.

Бош мия инсоннинг ўзига хос биологик компььютеридир. У бизнинг онгимизни, шунингдек, феъл-авторимизни бошқарувчи асосий механизм ҳисобланади. Миямиз туфайли биз иш ва ўқишда ёшимиз ҳамда индивидуал қобилиятимизга қараб маълум бир натижаларга эришамиз. У бизнинг танамизни, қобилиятимизни бошқаради. Мия ишлаб турганида нималарнидир ўрганиб, ўз қизиқувчанлигимизни намоён қилишимиз, иродамизни белгиланган мақсадларга қаратишимиз, йўналтиришимиз мумкин.

Агар атрофда рўй берётган барча воқеа-ҳодисалар билан қизиқиб борилса, хатти-ҳаракатлар асослантирилса ва муентазам равишда ўқиб, ўрганиш давом эттирилса, нафақат ёшларга, балки кекса одамларга ҳам муваффақият доим ёр бўлади. Бунда ёшга

оид хасталикларни аниқловчи ва мажмууний даволаш ёрдамида уларнинг оддини олувчи усууллар жуда самарали ҳисобланади.

Ушбу китобдан хотирани машқ қилдириш ва унинг ишчанлигини сақлаб қолишга ёрдам берувчи усууллар билан танишибгина қолмай, ушбу жараёндан завқланиш ҳиссими ҳам туясиз. Бундан ташқари, ушбу усууллар ёрдамида маънан такомилга ҳам етасиз. Агар ахборотлар оқими ичидан энг асосийлари, муҳимларини ажратиб олишга ўргансангиз, у сизга босим ўтказа олмайди. Ушбу китобда баён этилганларнинг ҳаммасини онгли равишда қабул қилишга ҳаракат қилинг. Мабодо натижалар дарров кўринмаса, ҳафсалангиз пир бўлмасин. Ўқув жараёнидан катта қоникиш ҳосил қилиб, қисқа фурсатда ижобий натижаларга эришасиз. Агар бирдан хотирангиз яхшиланаётганига амин бўлсангиз, бу ҳали имкониятларингизнинг чегараси эмаслигини билиб қўйинг.

Китобни ўқиш давомида сиз инсон ўртча олганда ўз ақлий қобилиятларининг жуда кам фоизини ишлатади холос, деган фикрга келасиз. Аммо хотиранинг ажойиб имкониятларини кенгайтириш учун ҳеч қачон кеч эмас. Сизга янгиликни ўзлаштириш, қабул қилиш учун жуда қариб қолганингизни уқтира бошлашлари ёки хотирангиз ҳаддан ташқари ёмон эканлигини таъкидлашлари билан сизнинг фикрлаш қобилиятларингиз дарҳол пасая бошлайди. Шу билан бир вақтнинг ўзида Иоганн Вольфганг Гёте даҳоси жуда кексайган ёшда ҳам меҳнат унумдорли-

гининг максимал даражасига эришиш мумкинлигини исботлаб беради. Чунки у «Фауст» асарининг иккинчи қисмини 80 ёшдан ошганида ёзган эди. Шоирнинг жамият билан доимо қизиқиб тургани асарнинг бу қисми яратилиши учун қувват ва турткы бўлган.

Инсоннинг ёш ёки қари эканлиги бош миядаги тўқималар катакчалари сони билан белгиланмайди. Бу жараёнда биологик компьютер – миясининг мосланувчалиги, ҳис-ҳаяжонларга жавоб бера олиш қобилияти ва жисмоний ҳолати ҳал қилувчи роль ўйнайди. Бу хусусиятларни ривожлантириш учун миянинг янги худудлари, қисмларига кириб боришга ёрдам берувчи маҳсус ишлаб чиқилган усулларни ўзлаштириб олиш керак дегани. Ушбу китобда сиз ўз миянгизга фойдали усулларни қўллаш учун зарур бўлган манбани топасиз ва ўзингизнинг ижодий имкониятларингизни юзага чиқара оласиз.

Дастлаб сиз ўз хотирангизни таҳдил қилиб олинг ва унинг ёрдамида ўз қобилиятларингизни аниқданг. Кейин сиз ҳаётда тез-тез тўқнаш келиб турадиган оддий қоидаларнинг бир нечтаси билан танишасиз. Келгусида хотирангизнинг бундан мураккаброқ хизматларидан фойдаланишингиз осонроқ бўлиши учун бу қоидаларни яхши ўзлаштириб олишингиз зарур.

Ҳар бир одам буюк қобилиятларга эга, фақат ўзи буни билмайди, холос. Китобни ўқиётганингизда сиз ўз хотирангизнинг кутилмаган имкониятларини очиб, ўзингизни яхшироқ билиб оласиз.

Тузувчидан

МИЯ – ХОТИРА ХАЗИНАСИ

Агар сиз миянгизни мақсадли йўналтириб машқ қилдиришни истасангиз, ўзига хос тамойиллар билан танишиб олишингиз лозим бўлади.

Мия инсон организмидаги барча ҳиссий ва жисмоний ҳаракатларни бошқаради. Одамнинг асосий хотираси бош мияда муҗассамланган. Бош мия иккита катта – чап ва ўнг ярим шарлардан ташкил топган. Улар бир-бири билан асаб тўқималари – номисурлар билан боғланган. Чап ярим шар танамизнинг ўнг томони, ўнг ярим шар эса чап томонини бошқаради.

Катта ярим шарлар бир-биридан мутлақо фарқ қиласидиган вазифаларни бажаришга мўлжалланган. Чап ярим шар деярли барча одамларда тил кўникмалари, мантиқ, таҳлил, рақамлар, қоидалар, тизимлаш, тартиб билан боғлиқ; ўнг ярим шар эса фантазия, орзу қилиш, ранг ва товушни макон ҳудудларида қабул қилиш ва мажозий фикрлаш учун жавоб беради.

Илгари мақсадди интеллектуал фаолият миянинг бу фаолиятни қўллаш учун зарур бўлган қисмларини ривожлантиради ва бу вақтда зарур бўлмаган қисмларни ишга солмайди, деб ҳисобланар эди. Маълум бўлишича, бундай ҳолларда синергетик эффект ҳодисаси рўй бераркан. Бунинг оқибатида ақлий фаолиятнинг ҳамма соҳалари ва йўналишлари юқори даражада якунланар экан. Мутлақо янги бўлган бу билим аввалига қўрқув уйғотади, аммо кейин кекса одам бош миясининг ухлаб қолган ўнг ярим шарини уйғотади ва тезда уни яна ҳаётга қайтаради.

Ёш болаларда бош миянинг ўнг томони фаоллашган бир вақтда кекса одамларда ўқишиш-ўрганиш ва меҳнат фаолиятининг туғаши сабабли мия хазинасининг бу омбори,



асосан, «михлаб ташланган» бўлади. Шунинг учун ушбу китобнинг муҳим вазифаси – мия ўнг ярим шарини имкон даражасида тез ривожлантириш, шу билан бир вақтда чап ярим шарнинг қучли ҳаракатлари (функциялари)ни ҳам машқ қилдиришдан иборатdir. Миямизнинг ҳамма имкониятларидан унумли ва самарали фойдаланиш учун биз унинг иккала ярим шарини бараварига ишга солишимиз лозим.

МИЯНИ МУНТАЗАМ МАШҚ ҚИЛДИРИШ КЕРАК

Мия танамизни ташкил қиливчи бошқа аъзолар қаби парваришга муҳтоҷдир. У тана умумий вазнининг 2 фоизини ташкил қиласа-да, бутун танамизга зарур бўлган қувватнинг 20 фоизини сарфлайди.

Нафақат тана, балки мия ҳам машқ қилиш ва яхши ҳолатда бўлишга муҳтоҷдир. Доимий ҳаракат инсон танасининг мушакларини мустаҳкамлайди. Мияни машқ қилдирганингизда эса унинг тезкор хотирасини янгилаيسиз ва фикрлашини тезлаштирасиз.

Мия машқи кўп нарса талаб қилмайди. Бунинг учун дунёвий билимлар, фавқулодда қобилиятлар ёки маҳсус шароитлар яратиш ҳам шарт эмас. Мунтазам равишида ҳар куни

ўтказиладиган ўн дақиқалик машғулотнинг ўзи етарли бўлади.

Биз бош мияни, яъни тана ва руҳни бирлаштирувчи бу аъзони машқ қилдиришнинг нақадар муҳим эканлигини тушунишингизни истар эдик. Ақлий марказсиз гавдамиз жонсиз, ҳаракатсиз танага айланади. У юролмайди, ўтиrolмайди, овқатлана олмайди, сув ичолмайди, ҳаёт кечириши учун зарур бўлган ҳаракатларни қила олмайди. Худди шундай гапни руҳий ҳолат ҳақида ҳам айтиш мумкин: агар сиз руҳий ҳолатингиз тетик, яхши бўлишини истасангиз, миянгизни машқ қилдиришга жиддий аҳамият берингиз керак. Чунки фақат шу йўл билангина руҳни тетик ва соғлом сақлаш мумкин.

Мияни машқ қилдириш организмнинг ишchanлик қобилиятини кўтаради, психологик мўътадиллик ва яхши кайфият бағишлайди. Бу амалиётда синалган. Мияни машқ қилдириш учун биз таклиф қилаётган усуллардан фойдаланишингиз мумкин.

Бу усуллар бош миянинг ўнг ярим шарида бўлганидек, чап ярим шарини фаоллаштиришга сезиларли тарзда ёрдам беради ва шу тариқа ахборотнинг хотирада узоқ вақт давомида мустаҳкамланиб қолишига кўмаклашади.





- Lituz.com
Elektron kitoblar

**To'liq qismini Shu tugmani
bosish orqali sotib oling!**